



ք. Երևան

30 սեպտեմբեր 2015թ.

«Մետաքս» ԲԲԸ-ն (Այսուհետ՝ Կողմ 1 ) ի դեմս լիազոր անձ Աղվան Մարտիրոսյանի, որը գործում է լիազորագրի հիման վրա, մի կողմից, և Կիա Մոթորս Արմենիա ՓԲԸ-ն (Այսուհետ՝ Կողմ 2) ի դեմս տնօրեն Արման Շալիտաբուարիի, որը գործում է ընկերության կանոնադրության հիման վրա, ղեկավարվելով ՀՀ գործող օրենսդրությամբ և հիմք ընդունելով կողմերի միջև փոխկապակցվածությունը, կնքեցին սույն համաձայնագիրը հետևյալի մասին.

Մետաքս ԲԲ Ընկերությունը ստանձնում է Կիա Մոթորս Արմենիա ՓԲ Ընկերության պարտականությունները կատարելով հաճախորդների պահանջով երաշխիքային և ետ երաշխիքային սպասարկում (համաձայն երաշխիքային պայմանագրի), պահեստամասերի վաճառք և ավտոտեխսպասարկում:

Սույն համաձայնագիրը կազմված է երկու հավասարազոր օրինակներից և ուժի մեջ է մտնում 30 սեպտեմբեր 2015թ.-ից:

Կողմերի վավերապայմանները

Կողմ 1

Կողմ 2

«Մետաքս» ԲԲԸ

Կիա Մոթորս Արմենիա ՓԲԸ

Հասցեն (գտնվելու վայրը)՝

Հասցեն (գտնվելու վայրը)՝

ՀՀ, ք. Երևան, Մերաստիա 37

ՀՀ, ք. Երևան, Սայաթ-Նովա 19


ՀՎՀՀ 01806346

ՀՎՀՀ 01563753

Լ.-ա

Տնօրեն

  
Ա. Մարտիրոսյան

  
Ա. Շալիտաբուարի



## Գրություն

Սույն գրությամբ տեղեկացնում ենք Ձեզ, որ այսուհետ Կիա Մոթորս Արմենիա ՓԲԸ-ի փոխարեն ավտոտեխսպասարկումն ու պահեստամասերի վաճառքն իրականացնելու է Մետաքս ԲԲ Ընկերությունը:

Կազմակերպության անվանումը Մետաքս ԲԲԸ

Իրավ. հասցե ՀՀ, ք.Երևան, Սեբաստիա 37

Գործ. հասցե ՀՀ, ք.Երևան, Սեբաստիա 37

ՀՎՀՀ 01806346

Հաշվարկային հաշիվ 16062000193500

Բանկ ԿՏԲ-Հայաստան բանկ Մոսկվա մասն.

01.10.2015թ.

Մետաքս ԲԲԸ Տնօրեն՝

Ա. ՇալիտաԲուարի



ք. Երևան

01 օգոստոս 2015թ.

«ԿԻԱ ՍՈԹՈՐՍ ԱՐՄԵՆԻԱ» ՓԲԸ-ն, այսուհետ՝ «Կատարող», ի դեմս՝ տնօրեն Արման ՇալիտաԲուարիի, որը գործում է Ընկերության կանոնադրության հիման վրա, մի կողմից, և ՀՀ Սահմանադրական Դատարանը, այսուհետ՝ «Պատվիրատու», ի դեմս՝ Աշխատակազմի ղեկավար՝ Ա. Հակոբյանի, որը գործում է Ընկերության կանոնադրության հիման վրա, մյուս կողմից, միասին անվանվելով նաև Կողմեր, կնքեցին սույն պայմանագիրը (այսուհետ՝ Պայմանագիր) հետևյալի մասին.

## 1. Պայմանագրի առարկան

- 1.1. Սույն պայմանագրով Կատարողը պարտավորվում է Պատվիրատուի պատվերների հիման վրա (հանձնարարությամբ) մատուցել վերջինիս կողմից Կատարողի ավտոտեխսպասարկման կայան ներկայացվող ավտոմեքենա(ներ)ի տեխնիկական սպասարկման, վերանորոգման ծառայություններ (այսուհետ՝ Ծառայություն), իսկ Պատվիրատուն պարտավորվում է սույն պայմանագրով սահմանված կարգով ընդունել մատուցված Ծառայությունը և վճարել դրա դիմաց:
- 1.2. Յուրաքանչյուր պատվերով (հանձնարարությամբ) իրականացվող Ծառայության մատուցումից հետո Կատարողի կողմից Պատվիրատուին կներկայացվի համապատասխան հաշիվ-ապրանքագիր, որի երկկողմանի հաստատումը կհավաստի Կատարողի կողմից Ծառայության պատշաճ մատուցման և Պատվիրատուի կողմից Ծառայության ընդունման մասին:

## 2. Կողմերի իրավունքները և պարտականությունները

- 2.1 Պատվիրատուն իրավունք ունի՝
  - 2.1.1 Կատարողի ավտոտեխսպասարկման կայանում հատուկ հատկացված վայրից ցանկացած ժամանակ ստուգել Կատարողի՝ Ծառայության կատարման ընթացքը և որակը՝ առանց միջամտելու նրա գործունեությանը,
  - 2.1.2 Պահանջել Կատարողից պատշաճ կարգով մատուցել Ծառայությունները:
- 2.2 Պատվիրատուն պարտավոր է՝
  - 2.2.1 Մատուցված Ծառայության դիմաց վճարել Կատարողին՝ համաձայն սույն պայմանագրի 3.2. կետի,
  - 2.2.2 Կատարողին տրամադրել Ծառայության կատարման հետ կապված անհրաժեշտ տեղեկատվություն:
  - 2.2.3 Սույն Պայմանագրի 3.3. կետով նախատեսված դեպքում Կատարողի պահանջով վճարել կանխավճար,
- 2.3 Կատարողն իրավունք ունի՝
  - 2.3.1 Ծառայությունների կատարման ընթացքում Պատվիրատուից պահանջել և ստանալ Ծառայությունների կատարման հետ կապված անհրաժեշտ տեղեկատվություն,
  - 2.3.2 Իր կողմից մատուցված Ծառայության դիմաց ստանալ վարձատրություն՝ սույն պայմանագրով սահմանված կարգով և ժամկետներում,
  - 2.3.3 Պայմանագրի 3.3. կետով նախատեսված դեպքում Պատվիրատուից պահանջել և ստանալ կանխավճար,
  - 2.3.4 Միակողմանի լուծել Պայմանագիրը և պահանջել հատուցել մինչև այդ պահը մատուցված Ծառայության ամբողջ արժեքը, ինչպես նաև՝ Պայմանագրի 4.1. կետով նախատեսված տույժը, եթե Պատվիրատուն չի կատարել կամ ոչ պատշաճ է կատարել Պայմանագրի 2.2.1. և 2.2.3. կետերով նախատեսված պարտավորությունները,
  - 2.3.5 Հրաժարվել կոնկրետ Պատվերով նախատեսված Ծառայությունը մատուցելուց, եթե իր տեխսպասարկման կայանի հագեցվածությունը, մասնագետների որակական պատրաստվածությունը բավարար չէ Ծառայությունը պատշաճ որակով մատուցելու համար,

- 2.3.6 Ծառայության մատուցման ընթացքում ի հայտ եկած այլ թերությունների դեպքում Պատվիրատուի հետ համաձայնեցնելուց հետո համապատասխան փոփոխություններ կատարել նախահաշվում:
- 2.4. Կատարողը պարտավոր է՝**
- 2.4.1 Ձեռնամուխ լինել սույն պայմանագրով նախատեսված Ծառայության մատուցմանը՝ սույն պայմանագիրն ուժի մեջ մտնելուց հետո Պատվիրատուի կողմից ներկայացված վերանորոգման (ավտոտեխսպասարկման) պատվերը (հանձնարարությունը) (այսուհետ՝ Պատվեր) ստանալուց հետո,
- 2.4.2 Իր պահեստում Ծառայությունների՝ պատշաճ որակով մատուցման համար անհրաժեշտ պահեստամասերի բացակայության դեպքում, Պատվիրատուի հետ համաձայնեցնելուց հետո, անմիջապես պատվիրել և ձեռնարկել բոլոր անհրաժեշտ միջոցները՝ դրանք ողջամիտ ժամկետներում ստանալու համար:
- 2.4.3 Ծառայությունը մատուցել պատշաճ որակով և 2.4.5. կետի համաձայն որոշվող ժամկետներում,
- 2.4.4 Ծառայությունը մատուցել անձամբ, իսկ անհրաժեշտության դեպքում, իր պատասխանատվությամբ ներգրավել նաև այլ անձանց,
- 2.4.5 Վերանորոգման ծառայությունը սկսելուց առաջ Պատվիրատուի հետ համաձայնեցնել Ծառայության նախահաշիվը և կատարման ժամկետները,
- 2.4.6 Ողջամիտ ժամկետում անհատույց վերացնել այն թերությունները, որոնք հայտնաբերվել են Ծառայության մատուցումից հետո 6 (վեց) ամսվա ընթացքում և կապված են մատուցված Ծառայության, դրա շրջանակներում օգտագործված (փոխարինված) ավտոպահեստամասերի որակի հետ և չեն առաջացել Պատվիրատուի մեղքով:

### 3. Պայմանագրի գինը և հաշվարկների կարգը

- 3.1 Պայմանագրային գինը հաշվարկվում է Պատվիրատուի կողմից ներկայացված յուրաքանչ-յուր Պատվերի համաձայն՝ այդ պահին Կատարողի մոտ գործող՝ Ծառայության շրջանակներում կատարված աշխատանքների և օգտագործված (փոխարինված) ավտոպահեստամասերի գներից ելնելով:
- 3.2 Պատվիրատուի կողմից յուրաքանչյուր Պատվերի համաձայն մատուցած Ծառայության արժեքն ամբողջությամբ Կատարողին վճարվում է հաշիվ-ապրանքագիրը ստանալուց հետո՝ 10 (տաս) բանկային օրվա ընթացքում կանխիկ կամ Կատարողի հաշվարկային հաշվին բանկային փոխանցում կատարելու միջոցով:
- 3.3 Եթե Պայմանագրի 2.4.5. կետում նախատեսված նախահաշվի գումարը գերազանցում է 200.000 (երկու հարյուր հազար) դրամը, Կատարողը Պատվիրատուից կարող է պահանջել կանխավճար՝ նախահաշվով որոշված գումարի 50 (հիսուն) %-ի չափով:
- 3.4 Մինչև կոնկրետ Պատվերով Ծառայության ավարտը Պատվիրատուն կարող է իր նախաձեռնությամբ կատարել վճարումներ կանխավճարի ձևով:

### 4. Կողմերի պատասխանատվությունը



- 4.1 Պայմանագրի 3.2. կետում սահմանված ժամկետում Ծառայության արժեքը չվճարելու դեպքում Կատարողն իրավունք ունի Պատվիրատուից պահանջել վճարել տույժ՝ կետանցի յուրաքանչյուր օրվա համար՝ չվճարված գումարի 0,15 տոկոսի չափով, բայց ոչ ավել, քան տվյալ հաշիվ-ապրանքագրում նշված ընդհանուր արժեքի 10 (տաս) %-ը:
- 4.2 Պայմանագրի 2.4.2. կետով նախատեսված դեպքում Կատարողի կողմից պատվիրված պահեստամասից հրաժարվելու դեպքում Պատվիրատուն վճարում է տուգանք՝ տվյալ պահեստամասի՝ նախահաշվում նշված արժեքի 100 (հարյուր) %-ի չափով:
- 4.3 Կատարողը պատասխանատվություն է կրում իր տարածքում Պատվիրատուի ավտոմեքենաների ամբողջական և անվնաս պահպանման համար:
- 4.4 Պայմանագրային պարտավորությունների չկատարման կամ ոչ պատշաճ կատարման դեպքում, Պայմանագրով չնախատեսված դեպքերում, Կողմերը պատասխանատվություն են կրում՝ համաձայն ՀՀ օրենսդրության:

- 4.5 Տույժերի և (կամ) տուգանքի վճարումը Կողմերին չի ազատում պարտականությունները կատարելու և խախտումները վերացնելու պարտավորությունից:
- 4.6 Կողմերն ազատվում են պատասխանատվությունից, եթե պարտավորությունների չկատարելը կամ ոչ պատշաճ կատարելը կապված է ֆորս-մաժորային հանգամանքների հետ:

**5. Եզրափակիչ դրույթներ**

- 5.1 Սույն պայմանագիրն ուժի մեջ է մտնում կնքելու պահից և գործում է անորոշ ժամկետով:
- 5.2 Սույն պայմանագրում Կողմերի համաձայնությամբ կարող են կատարվել փոփոխություններ և լրացումներ, որոնք օրինական են միայն այն դեպքում, եթե դրանք կատարված են գրավոր և ստորագրված են Կողմերի կողմից:
- 5.3 Սույն պայմանագրի հետ կապված վեճերը և տարաձայնությունները լուծվում են բանակցությունների միջոցով, իսկ համաձայնության չգալու դեպքում՝ ՀՀ օրենսդրությամբ սահմանված կարգով:
- 5.4 Սույն պայմանագիրը կնքված է հայերեն լեզվով, երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկական օրինակ:

**6. Կողմերի հասցեները, բանկային վավերապայմանները և ստորագրությունները**

Պատվիրատու	Կատարող
ՀՀ Սահմանադրական Դատարան	“ԿԻԱ ՄՈԹՈՐՍ ԱՐՄԵՆԻԱ” ՓԲԸ
Իրավաբանական հասցե՝ ք. Երևան, Բաղրամյան 10	Իրավաբանական հասցե՝ ք. Երևան, Սայաթ-Նովա 19
Գործունեության հասցե՝ ք. Երևան, Բաղրամյան 10	Գործունեության հասցե՝ ք. Երևան, Սերաստիա 37
ՀՎՀՀ՝ 00018357	ՀՎՀՀ՝ 01563753
ԲԱՆԿ՝ ՖՆ Գործ. Վարչ.	Բանկ՝ ԱԿԲԱ-Կրեդիտ Ագրիկոլ Բանկ, Արմենիա մ/ճ
Հ/Հ	Հ/Հ՝ 220410120061000
Աշխատակազմի ղեկ՝  Ա. Հակոբյան	Տնօրեն՝  Ա. Ծալիտաբուարի



## Տեղեկանք

Սույնով հայտնում ենք Ձեզ, որ Կիա Մոթորս Արմենիա ՓԲԸ-ն (ՀՎՀՀ 01563753, իրավ. հասցե՝ Սայաթ-Նովա 19, գործ. հասցե՝ Սեբաստիա 37 ) հանդիսանում է Կիա Մոթորս Ընկերության (գլխավոր գրասենյակը գտնվում է Կորեա, Սեուլ) միակ և պաշտոնական ներկայացուցիչը Հայաստանում:

14.08.2015թ.

Տնօրեն՝



Ա. Շալիտաբուարի